

Vedad Dozo

J.U. Opća bolnica "prim. dr. Abdulah Nakaš", Sarajevo (BiH)

vedaddozo10@gmail.com

Uloga medicinske sestre - tehničara kod prijema bolesnika sa akutnim koronarnim sindromom u jedinicu intenzivnog liječenja (POSTER)

Intenzivno liječenje podrazumijeva zbrinjavanje pacijenata s teškim i životno ugrožavajućim bolestima i stanjima gdje se odluke o dijagnostici i terapiji donose u kratkom vremenskom periodu. Prijem bolesnika u jedinicu intenzivnog liječenja zahtijeva timski rad u kojem je važna uloga medicinske sestre. Akutni koronarni sindrom (AKS) predstavlja urgentno stanje u čijoj podlozi je naglo nastala kritična ishemija miokarda uzrokovana djelimičnim ili potpunim začepljenjem jedne od epikardnih koronarnih arterija aterotrombotskim plakom. Jedan je od najčešćih uzorka smrti u svijetu. Obuhvata nestabilnu anginu pectoris, infarkt miokarda bez ST elevacije i infarkt miokarda sa ST elevacijom. U zbrinjavanju pacijenta sa akutnim koronarnim sindromom jedan od najvažnijih faktora je vrijeme. Brza intervencija medicinske sestre-tehničara koja podrazumijeva kratku i ciljanu sestrinsku anamnezu, provjeru i kontinuirani monitoring vitalnih parametara, postavljanje venskog puta, snimanje EKGa, te druge intervencije prema kliničkoj procjeni, sastavni dio je savremenog pristupa u tretmanu ugroženih bolesnika sa AKS. Timski rad ljekara i medicinske sestre-tehničara jedna je od najvažnijih vještina koja utiče na uspješno rješavanje kritične situacije i može obezbijediti potpun oporavak bolesnika. Cilj ovog rada je ukazati na značaj dobro obučanih medicinskih sestara-tehničara kao dijela zdravstvenog tima u zbrinjavanju ugroženih bolesnika sa AKS u jedinicama intenzivne njege što direktno utiče na monitoring, tretman i ishod liječenja pacijenta.

KLJUČNE RIJEČI: akutni koronarni sindrom, sestrinske intervencije, timski rad